













卯洞集叙

三溪徐子綬督木之役



卯洞



二年於是乎撫柔空軌感物懷
今而甯作焉胡子曰卯洞僻處萬
山蓋楚蜀之交而夷獠之鄉也余雖
未履其地遙讀徐子之賦而既知其
勝矣在昔佳山矣川必得騷人詞客

題寫杜諫而其名始向迤茲地也
不遇徐子則亦已矣古之騷人詞客
之等句鏗音以流誦今古者豈得於
名山佳境觸目暢懷焉古高也如徐
子斯集也泐乎泐乎可以被之金
石蓋之風雅矣然其即事以寓言因
言以寓道則徐子是集也雁獨其文

焉已也是句讀次灘黑屋灘請作可
以觀陰矣讀惹車洪屋請作可以觀
志矣讀宿石叢步一相請作可以觀
勞矣讀洗車之行僕夫之謠可以觀
民疲矣讀明溪擬古芙蓉請作可
以觀其優游自得不怨不尤無入不自
得者之氣象多讀忠敬堂圍向和

裏軒之作可以觀其系前傳術之學
矣是如觀陰可以思守也觀志可以稽
業矣觀學可以知民瘼矣觀民瘼可
以思以即矣觀其優游自得可以知
善矣觀其系前傳術之學而固
知其化行於事也亦有本矣故曰
徐子斯集也可以被之金石並之風

雅而非獨其文焉已也徐子方將樹其
師陽明子之祠於帑谿山中之宣慰
氏岡而募其各捐金勅之此豈非忠信
篤敬之徵歟然則斯洞也得徐子而
始顯而徐子之學因是洞也益可以
考而自勵矣故題其集曰卯洞集
云

嘉靖甲辰立秋日鹿厓胡鰲叙



卯洞集卷之一

書記叙賦說雜著

與劉前江書

伏蒙宣示

塘翁戒言足感雅誼惶懼無地萬死萬死竊惟人臣之忠必先於急君父之責而有司之責莫大於徇長上之勞此天理之經生民之義其畫然較明者也往歲九廟炎燬



孫姚三溪徐珊著
沅陵門人陳煦校



祖宗在天之靈無所妥安

聖天子曰夕孝思不遑寧處君父之肯於斯為大故
恭建之役既總以部院又申以臺省百凡執事分布
綦列上下網維統體周密較之往年奉採迥相懸別
亦以國家事體重大期於速成以急君父之肯耳不
意夷孽難構間阻時月而又加之毀棄藏副巨材日
損乃更厯當道之憂也珊雖傍視竊聽亦所忿心况
今日驅使之下身任其事而敢於急緩哉但天下之
事其可為在我者事集其不可為在人者事廢事集
則功立事廢則功隳此固責任所係又不在於區區

毀譽榮辱禍福得失之間而已也今日之役在貴府
寔當其難在敵府略當其易在昔人略當其易不肖
寔當其難何也大木辰常俱非所產而辰則適年躡
山取材常則絕無故曰常難而辰易昔人當材木克
積之時而又加以雨水時溢駕運略當其易若不肖
之所難者則有七矣舊木之告報已竭新木之躡採
未聞一難也首歲商人意氣鼓舞猶足使令今則曠
日持久財力俱竭矣二難也運常材於適年採伐之
後譬猶振稿舉火無難爲者求巨木於溪壑告絕之
時則緣木求魚必不可得矣三難也當道者規畫指

使動有成筭依擬奉行唯慮不及意見異同或恐罪戾莫敢申白此其難者四也見利則趨人之情也躡山之役必由家長家長以山場爲業舉家俯仰所係報之於官不唯失其所利而且督責隨之則其支吾閃脫更相逖避亦勢之必至耳此其難者五也本府木戶率多牽報盡非素業驅之入山茫無所措而况貧富之不一奸偽之相錯觀望阻群莫爲任事六難也平原曠野則周覽易知崇巖絕壑深林密箐非老於山澗者未易遍歷七難也夫以恭建之重處七難之勢雖有知者亦難爲力而况不肖之菲才薄識又

安免於罪矣哉終夜以思不遑寢食良以執事高才
遠覽必有定識今日之事其何以教之耶易曰窮則
變變則通夫君子之通變也非以紛更為也蓋以宜
民耳今躡山之役亦已窮矣變通之以宜民不有望
於執事者哉民之趨利也猶水之就下獸之走壙也
今以豐價重賞驅民於利而迫之不應者豈有他哉
得無採運之艱督責之迫選取之嚴減削之過失其
所欲而然耶是故商者商也商度其盈縮多寡而與
時進退以競刀錐之利者也上既深以抑之下必重
以避焉是故上下交征之過又烏得以獨罪之商哉

不肖以為今日之事在損上不在損下在益下不在
益上夫損上以益下者非謂縱小人之奸以侵漁公
家也要在平之而已今夫官山者萃衆人之力而合
之一藉公家之勢以糾其成此於木戶大為有益而
亦何至於不樂哉蓋統於一則事專分於衆則勢散
况隸人之督責不無科索之弊委官之往來未免服
使之勞如洗車之役其大小成材不過二十餘株而
已餘皆鋸板無用之物也其所費一千六百有奇如
使做之私家一家長足矣今則十二甲十二家長也
一工頭足矣今則十二工頭也彼此觀望莫相統一

費而不貲如之何其樂耶為今之計在私採以應官
不官採以病私在行法以變通不守法以執擬使家
長無失其利木商不病於難而官府亦得以坐享其
成此固上下皆得之道而有司之責臣子之忠不少
慰哉竊意謏劣負此重任如蚊負山不遑寧處執事
宏才妙筭動有成策脫念同事雅為指教凡百肯綮
緩急幸以見示生死骨肉不勝感荷之至

忠敬堂記

徐子督木卯洞至止盤順之中寨里里故有屋以需
來者圯焉甚矣稍雨則浸浸淋下如注濕几席不可

足乃更束茆覆之編竹為戶以辨外內而其堂奧始
秩如也徐子曰嘻是可以居矣遂頽其楹曰忠敬云
客有過者曰子之迂也夫忠信篤敬古之道也今人
道不日蒸蒸日上耶駛淳弇樸矜知飾偽以襲交與譬
如群飲衆醒互相朋比如其以忠信篤敬行之也揭
揭乎如負建鼓求亡子雖里閭戚黨亦杆格迂矣况
蠻貊哉徐子曰客過矣忠信篤敬為不可行於蠻貊
乎夫車以行陸舟以行水束茆為車必不可載刻葉
為舟必不可濟是果舟車之不足以濟且載耶是故
車却而覆舟沒而溺亦不善操御者之失其道也非

舟車者之有以覆溺人也蓋未知至誠之道不冒不
息溥博淵泉而時出之不窮者也且子獨不見孤蟻
者之媚人乎必爲尤物容說以自附於人人故惑之
使昭昭然昂首而綏尾也人必駭且避矣故夫矜飾
知偽以襲文與者未有不假其忠信篤敬之似者也
嗟乎予獨異乎世之言忠信篤敬者夫必信必果以
硜硜自命則泥而不化滯而不神矣非所以語於大
人也大人者運動不拘周流六虛上下無常唯變所
適故其言之而民莫不信也行之而民莫不悅也舟
車所至日月所照霜露所墜凡有血氣莫不尊親且

其極也足以動天地感鬼神理萬物况於蠻貊雖異
域而同類者乎昔仲尼傷道之不行也而欲居九夷
或病其陋仲尼曰何陋也傳曰建瓴而瀉水非加疾
勢使然也子無似然辰陽之守臣也所將者王事况
聖天子仁孝化理浸淫熏蒸海宇無間遠近諸夷又
皆丕變而風易之矣其何敢以忠信篤敬自任而重
誣於君子也哉然不敢以不勉也蜀劉子前江子執
也亦以督木同事卯洞客以其言告之劉子曰甚哉
徐子之言似我也因次第其語紀之

圃問

忠敬堂之左有隙地焉徐子鋤而時之客有見者問
曰子大夫承役王事而來唯日夕焦勞不遑寧處為
克將休命以丕承無疆之恤是賴茲唯治畦時蔬以
玩時日廢公事非所望於子大夫也且也小人之事
聖門所鄙園葵之拔取重昔賢反而行之無乃不可
乎徐子曰嘻吾過矣吾過矣居吾語汝夫天下之事
不有同行而異情者乎君子不于其迹也其似是而
非者必原其心嗟乎事固一二未易為衆人言也鄙
人不佞辱客雅誨敢布腹心夫古之君子其所務者
大故不急於小其所處者約故不盡乎利鄙人自束

髮以來即聞斯誼矣乃今冒而行之以辱名教豈其
心哉卯洞在夷徼萬山中絕無冠裳往來亦鮮宰牘
雜冗雖前江劉子幸與同事而未易朝夕亟見也料
理木政稍暇則塊然獨處兀坐四壁循簷索笑閒步
以怡性靈耳豈其役志於圃哉且其地少居民經旬
日或不屠宰亦無諸蔬可市小摘春盤聊以自茹而
非以爭利於民也雖然僕所隱憂而深媿者客未之
知也昔舜之飯糗茹草也若將終身焉而僕不能以
無槩然於中也其聞一善言見一善行則沛然若決
江河莫之能禦也僕今則撓撓以自鳴也此其視舜

為何如哉嗟夫羨墻如在能無媿顏矣乎是則可憂也
已客哂尔而言曰有是哉子之言也不復問而去

和衷軒說

書曰同寅協恭和衷哉夫衷之為言中也人之心也
天之命也無所矣於其中之謂和是故心和則形和
形和則氣和氣和斯天地之和應之矣而況於人哉
予讀虞書至九官十二牧交相克讓以共成正大光
明之業未始不掩書而嘆也曰嗟乎皇虞之風尚矣
後有作者不可及也是故經天道紀地利立人極弥
綸元化以宰制群動豈非仁賢佐理之功哉然而賢

不肖異別其趨尚殊軌要未易以同寅協恭之致一
之也是故相軋以勢相傾以利相引以名姦比以相
尚卑疵以相媚熾趨以為言阻其成而樂其敗倍力
巧詐調飾虛功以競庸於時此無異於操白刃以相
向而匿其情於揖讓者也傳曰入朝而妬士無賢不
肖也入室而妬女無妍媸也是豈勢使然哉蓋和衷
之學不明於天下而有我之私戾之也夫天下之治
猶之一人之身耳目視耳聽手持足行鼻臭口味其
用不同而同之於以身為事也衷之不和氣斯戾矣
於是五官之用始乖疵不適而精神脉絡散渙癆結

有不得其理者抑何以各得其職為哉是故古之君子必戒愼恐懼焉而不敢以有我之私疾之也故其存之也無不中其運之也無不和而事脩功立矣大哉無我之公君子之所以和衷而成化也予獨悲夫世之以朋比阿附之私自擬於和衷之化者不知其為同行而異情也夫五聲六律不同音也而同於適五味六和不同旨也而同於調五色十二章不同色也而同於文若其朋比而阿附焉則不和甚矣君子所不由也予以督木從事卯洞深惧其衷之不和以重得罪於二三君子也乃扁其治事之篷曰和衷因

看其說以自省云

卯洞賦

維茲洞之瑰竒兮，踏險隘以幽峻。石崔嵬而蹲踞兮，
沅號號其若震。訕僊巖之竒絕兮，標雲霞而益振。山
嶽岑以廻合兮，溪屈曲而周迅。匪人工之能為兮，寔
天巧之流濟。豈夏后之開鑿兮，乃唯是其有。汝環穹
窿以垂合兮，豁中通而外巨。指朝景以滄赫兮，疑夕
霏而延佇。挹飛泉之灑灑兮，挾神漢而並舉。結繁雲
之翳翳兮，抗陽谷而遐處。崛巖巒以峻峭兮，翕坤維
之靜專。劃日月以開明兮，闔閭闔之繇延。括涇源之

濫觴兮乃唯導之於九川
蔭牛女以垂芒兮庶幾其
比迹於洞天縮閭闔於海嶼兮
移壺嶠之方圓豈其
遯跡於荒域兮鮮達士之躋攀
邀陽侯以徜徉兮撫
馮夷而盤桓吾將駕飛龍以遊
遨兮闖日南之天關
抗行雲而上征兮肅風颺之迴
翰凌太虛以隘志兮
俯六合之漫漫伊太皞之秉德
兮其佐輔之曰勾芒
折若華以拂日兮搴文王之奇
芳靈至今其未泯兮
乃獨鑿觀此四方湛醖醕而要
之兮祗陟降以肅將
徵山川之靈異兮紛其嗣此耿
光激迅湍而噴射兮
驅天河之浴狶駭懸流以浩渺
兮驟雨師之屏翳俾

奇植之紛湧兮安順流而下之申百靈之效順兮欽
奉君乎孝思庶仰稱乎懷柔兮恐駿奔之後時亂曰
洞天石室幽以閔兮雷泓風穴閔礚礚兮地霧盤礴
耀精英兮嗟習雲烟凌紫清兮神人協恭績用成兮

海漁

有浮海而漁者得魚則盈載以歸江之漁羨之相與
謀曰吾日以漁為事所易不過升斗耳渠一朝而得
許生諧哉於是戒舟楫具網罟順流而下求至於海
不見水端江之漁始望洋而惧矣頃之風濤交射振
撼蕩汨顛倒日月舟船墮突下上往來卒遽江漁形

神俱喪手足股栗面無人色曰嗟乎殆哉而海之漁
自若也方且與汨濟俱入出鼓枻張網挈魚若抽而
納之舟焉湏臾風靜浪止江漁形神稍復若更蘇者
回視海漁而泣曰嗟乎殆哉子其以魚為崇耶吾不能
以吾身為若餌矣始吾之漁於江也依于洲渚之間
泝流下上舉網得魚則怡然自適蓋未始以危懼累
其心也吾聞之利與害相仍其利大者其害甚始吾
弗信吾非僭至於海則其視子之所得也有餘羨矣
吾歸矣吾將老於江上以樂吾升斗之易也海漁曰
吁何子之不達也天下之事未有無害而徒利者子

視吾之出入波濤中吾亦誠自苦然過此亦樂矣且
子獨不見今之大官長者矣乎其親權勢也猶予之
出入波濤也稍不戰懼即溺矣子徒見其載簪纓喧
車馬仗旌旃鈇鉞即以為榮而不知其飲冰而內熱
也江漁曰子奚不自知耶海漁曰予固知之矣而未
能去是也越數日或告之曰海漁弱矣

蝸說

嘉謂蝸曰惜哉子之文綏也子腹空空耳子奚不自
量噦噦終日以噪人哉蝸曰噫子謂我為空空子自
謂飽文墨耶夫子竄身簡牘間終年兀兀未始得自

暇逸吾仰觀於天日月星辰燦以麗也俯察於地山川草木森以列也中觀於人知愚賢不肖區以別也是非天下之至文矣乎嘉曰易著多識傳稱博聞秦以焚棄獲罪萬世漢以不事取譏當時審如子言則典籍非耶蜩曰居吾語汝昔者玄黃未判至理闕涵蓋自伏羲畫卦大禹演疇而人文始著矣于時數聖人者開物以成務建中而立極皆自心以達之文非因文而獲之心者也故聖者之所作明者之所述經生之所誦習學士之所傳記盡此矣仁者見之而為仁知者見之而為知此其於道也不猶似於以車載

物以舟涉水者哉假車以載利其載不利其車用舟以涉利其涉不利其舟且子過矣書不過言言有傳也言之所傳者道也言有所盡道之所傳者不可以言盡也而子因泥書以汨言不猶似於棄菁華而其苴梗嗜糟粕而舍其醪醴者乎憲曰然則離去問學可也蜩曰否夫本末者道之的也終始者道之叙也故曰物有本末事有終始則近道矣古之君子未始不由於問學是故以畜德為事多識焉以畜德也以敏求為心好古焉以敏求也優而游之反而約之是故飫而不悶化而不滯且而後世文日侈且濫矣

如必以盡識為能則童而習之白首且不能究其萬
一况涯涘哉子行矣無亂吾雅噉噉乎厲而不顧

原遇

宋人得燕石於梧臺之側信以為玉也置而藏焉齊
戒而後出之楚人請以十城不許卞和以荆山之璞
再獻而秦再刑之也泣盡以血繼之曰嗟乎玉耶石
耶或以問於槎上人曰之二人者何如槎上人曰皆
愚矣夫誠偽者存諸我者也不可不審也用舍者存
乎人也君子安之而已矣懷寶迷邦謂之不仁况非
寶哉衛玉求售君子耻之况以身徇哉故曰皆愚也

易曰君子藏器於身待時而動故曰用之則行舍之則藏昔者子貢問於孔子曰有美玉於斯韞匱而藏諸求善價而沽諸夫韞匱而藏未有不為宋人者矣求善價而沽其有不為卞人者乎孔子曰沽之哉沽之哉我待價者也夫沽之則非自私矣待價則非自銜矣且而物之遇與不遇幸與不幸焉耳幸而遇雖石信以為玉也不幸而不遇雖璞亦疑其非玉也昔三家以知力執國命孔子奸七十君而不用豈非遇哉豈非遇哉

祭卯洞文

維

聖天子懷柔百神無遠不屆唯神默贊元功無幽不格維某丕承役使以克將王事亦無所不用其誠茲者季春木政就緒溪源滂溢順流而下寔唯其時敢繫玄醴用虔申告唯神左右克相式終王事庶以答聖天子懷柔之誠以彰明神默贊之功以稱某丕承之責唯明神其圖之嗚呼尚饗

文木賦

維茲木之竒理擅陰陽之冲和既培質於大造亦植根於層阿中鬱結之輪茵傍紛披以婀娜閱歲時而

竦峙矗雲霓以交摩日月之所照臨鬼神之所護呵
雨露潤其幹霜雪被其柯葆玄化以魁鹿豈不材之
磊砢尔其工師徃視匠氏見過切以刀鋸斷以斧戈
煥華采之溢發燦脉絡之縈羅迷穀迥四照之異文
玉眩五色之多燁若春英之舒錦蔓若秋葉之垂蘿
汨若巖谷之吐霧沛若蒙汜之涌波若玄雲冉冉以
杳靄若崇山兀兀而塞我絕彫鏤之功無刻削之訛
直而有理正而不頗微大順以克應協至德而靡他
賁敷文於佳木與聖化而同科

宿西巖記

歲癸卯春季望後七日徐子自溪亞坪舍輿而步緣
溪下上出入叢棘中越里許坐石巖下少憩旁有隙
石如几案木戶宋得富告予曰往年得富立蓬是巖
下石當臥處旁有迸縫至晚則砂土浸浸洒頗煩間
月餘夢有神告曰石將墜矣驚起急徙石即墜幸不
死予曰有是哉因呼其石為仁石而去又二里許至
響水洞水從懸壁洞孔中出高數百丈視廬山瀑布
更奇絕然以在夷地且無諸名人詠題故湮沒無聞
若此予因為之賞春移時乃行過此路益峻陡不可
步呼二從者扶掖之始上然衣長絆足束撓如擔夫

狀始不掛礙可步越三里至洒躋岩又數里至橫梁
厓然皆兩山旁削溪流屈峻境益絕矣天稍雨溼滑
為之失足者屢屢少頃巡檢范岳率家長宋英奎來
迂道左跽予而告曰山石險絕路不可步乃勞大人
辛苦若此予曰王事也汝獨非人子哉又數里至納
車洞廂已告完然近水里許則停木不敢造巡檢范
岳曰必夫齊乃敢完此少遲則水冲去徒費工力耳
是晚促諸夫造廂乃宿石巖下巖當灘陡處水聲轟
擊夜臥聽之如雷雨交作而風水呼號不絕也早起
諸山夫亦齊至乃舉號集衆木巨甚用六纜經數百

人挽之不上旁置二車斜絞復用交圍以上大木從
後撞之既上廂乃以柳木膠置木下木易動不澁至
晚始下三脚厓更宿石巖中越早天雨促諸夫徙三
脚厓午後雨甚欲再宿彼然已絕糧矣乃冒雨已歸
泥濘中衣履盡汚且滑不可行遂下舟舟蓋剝獨木
為者可容三人每至灘上則登岸以下然在萬山雲
霧中絕無人踪小艇順流出入波濤亦佳境也薄暮
抵盤順寨劉子前江來顧出示衣履相與一笑而去

卯洞集卷一

卯洞集卷一

終



卯洞集卷之二

餘姚三溪徐珊著

沅陵門人陳煦校

論木政諸劄

呈督木道

伏聞

使節按臨荆郡卑職以遠離卯洞不及躬候無任悚懼竊念卑職本以庸才薄識當此重委焦勞日夕待罪不遑除將躡過山場緣由及另採獲大木貳拾壹根俱已開報想蒙鈞覽矣近復備查舊運見在未出

之木捌尺以下者諒可足數其玖尺壹丈者根數雖
有而空虛不堪選運者不無叁肆蓋當時一槩濫斧
克報而各商人亦遂希圖僥倖苟安目前耳要之日
後亦多不足為此卑職除前斧報外分頭立甲各另
派數壹丈者原派陸拾肆根已未出舊有柒拾壹根
今則再派叁拾根玖尺者原派柒拾陸根已未出舊
有玖拾零叁根今則再派叁拾伍根務令倍出常數
之外足備採擇以聽鈞臺處分也前項數目尋買採
辦已得多半置立格眼文冊按五日一比督米道批此
法甚切要幸
有登記覆驗圍量方輿銷筭前件原派之數不敢少

也其頭號二號間有報者隨即克賞砍伐驗實方敢
作數蓋恐喜功妄報未免徒取罪戾但頭號者雖有
壹貳見報砍伐俱空貳號又復僅得數根羨材畧可
塞責除前所報壹丈壹尺至壹丈叁尺者陸根之外
共拾有壹根已令各商認採外後有得者則又量各
商之力量大小分派多寡固不敢拘泥成式也貳號
雖或不及派數以其壹丈者加倍折筭亦無不可
督本道批
恐不可折派極力採報務得實用但頭號不得無以應責為罪連日訪採賞謀
間出畧有應者前此則俱逃避緘口莫肯出聲何也
蓋夥做官山勞費較之家長相去數倍則商人之所

失不足以償其所得此其不樂也况某地之山有木
某山之木可用全在家長商人不得而知也向者躡
報官山家長俱各逃避遠去盖其舉家俯仰業於山
場一報之官不唯失其所利而且委官之日夕督責
况其隸名公家則不得更顧私事其逃避遠去亦情
也督木道批
得其情卑職揣知前故乃以謀諸於常德劉同知以
為今日之事在行法以變通不必奉法以拘泥亦以
為然督木道批
極是極是遂敢忘其罪戾乎號於衆曰今日恭建

廟材

朝廷重事省部焦勞日夜期於躡做官山不過為汝

輩幹辦耳汝輩私做山場以其巨者應官餘俱聽汝
自做官私兩便亦無不可

督米道批取足於官他又何計但恐官數不足
被其隱賣別省勢難遷度惟在本官防察之爾

諸各家長聞之稍稍間出卑職又復報其頗有信實
者陸人誘訪至前慰以誠信賞以酒食使知今日唯
求得材以應官不在費財以妨衆遂令人各領銀拾
兩以其伍兩克賞以其伍兩作價分認貳號一根限
一月內回報此固誘引而漸制之術也俱已分投入
山未報聞之人云貳號六根決或可得但頭號不可
得耳連日誘訪全得指揮高節之助如家長董昇之
木雖未經覆驗圍量度丈圍以上亦有十根堅長可

用功過相當似為可原其登山涉險不避饑餓辛苦

直前忠實可任則巡檢范岳之功為多大抵今日之

事人不愛情同心幹濟則地不愛寶異材疊出督某道批人能

竭力則滄海之琴符况在山之木無風波之險卑職猥以庸瑣濫蒙役使非得鈞臺發

縱指示之力則奔走東西茫昧遑惑又曷免於罪矣

哉前項木植俟採有的實數目方敢呈報其候水楸

簞及在洞內未經放徙各木已經分頭遣人造廂拽

洞候九月蓼水徙駕以聽三運之數督某道批人能洗車溪木

主簿徐振脇疽大發而回已該指揮高節及卑職遣

人督徙捌月初伍陸期至水次玖月水可并運也黃

和所報覃廷儀木連日督運俱至小溪尚未出梭亞
漫水欵併乾廂或恐不及為此今將前項事宜略節
具稟伏乞矜宥不勝萬罪之至

督木道批據呈足見本官智足以燭宿弊力足以擔
重托應徙者的期應解三運應採者多方務得異材
以需厚議繳

報採木劄

為恭議

廟建事案照節奉

欽差督木右叅議蔣 及工部督木郎中王 并分

巡湖北道僉事楊 劄案該奉

欽差總督川湖貴州大木右都御史潘 劄付前事

行仰採斫紡車溪竹園琪瑪瑙湖木果溪等處山場

遵依駐劄卯洞工所會同常德府同知劉 督據委

官縣丞等官黃輔宋賓范岳并省祭胡鏞等前去各

山逐一躡着砍伐隨據各官呈報各山木俱空朽短

小不堪等情緣卑職自蒙委使節奉行仰多方設法

採買卷查先該所報木數捌尺以下諒足原派其致

尺壹丈等木根數雖有而解赴辰河亦多選退至於

丈圍以上止蕭鶴楊景共壹丈叁尺伍寸陳奇張廷

鳳共堂丈貳尺壹根楊景周槐貳根俱壹丈壹尺其
頭貳等號比之原派拾無壹貳况各山躉砍又俱空
朽早職惶恐待罪寢食不寧分頭召賞皆無應者密
竊訪究始知深林密箐重溪絕壑人迹罕到比之平
原曠野周覽易遍者大為不同各該木戶入山止憑
家長躉報而家長亦未盡知又必誘買土人指示土
人亦未親見重復展轉捕戶領引矧先年採辦已竭
間產一二鳥道窈遠星散又兼糧運艱遠工程浩大
價不及費况已報在官無水泛徙則人力莫施官司
責併遂難辦理且隸人之督責不無科索之弊委官

之往來未免役使之勞所以人不樂從各皆緘默卑
職拘集各商家長三復省諭如有大木山場任其自
為砍做唯將合式大木申報上司後不委官坐督止
遵部院榜條置立格眼循環文簿就令各商逐日填
寫工程一月一次循去環來聽職查較如前木徙到
大河是實無水漂徙姑免責併若人力可施在山遠
誤從重治罪今後如有堅實大木微有撞毛小病不
害於材者俱不減價照依定則算給又遍張告示曉
諭諸夷商民如報大木圍壹丈伍尺以上者賞銀拾
兩定則外添助人夫二百名壹丈叁肆尺者賞銀伍

兩外添助人夫壹百或壹百伍拾名續據土民尚奇
并砍山家長覃廷儀報到在於地名桐溪漢躡砍堅
實圍壹丈肆尺伍寸壹根壹丈壹尺壹根當即賞銀
拾兩及巡檢范岳木戶楊景李漢蕭鶴吳經密訪家
長宋英奎採報壹丈伍尺壹根當賞宋英奎銀拾兩
并與酒食花紅迎獎招誘以致夷漢人民次第來報
猶恐空朽虛費俱全砍倒削成材驗實方與迎賞
今採砍并先已報買過木貳拾壹根共得圍圓壹丈
伍尺壹根壹丈肆尺零貳根壹丈參尺柒根壹丈貳
尺壹拾貳根壹丈壹尺壹拾貳根玖尺并壹丈共壹

百貳拾叁根捌尺肆根及指揮高節因見前報大木
空虛惶恐無地自行借辦銀伍拾兩召給家長董昇
四下採訪園圓壹丈叁尺壹根壹丈貳尺貳根壹丈
壹尺壹根玖尺貳根通共得買并採斫過大木壹百
陸拾伍根俱長肆丈至伍丈以上其餘常材不敢開
報聽其自行斫做并鋸完楠木連三板貳拾肆塊連
貳板貳拾肆塊見在搭步橋揪筏前項木植欲使備
量稍圍丈尺數目開報道里往返急難週遍緣進山
期迫恐為遲滯待候完日逐一備造書冊另報其前
所報大木總計山場壹拾叁處大約合用銀貳萬餘

兩雇夫盤贍一百分量木商多寡及其資力大小或分頭獨纜或兩三共採俱出情愿已經分認外俱限明年三四等月盡徙大溪聽候水泛漂洞今各商正身盡在卯洞而買辦魚鹽什物打造鐵器及雇覓副手俱在辰州欲候呈稟明示放回商人措辦前項不無期日迫促為此除洗車溪并漫水木植及搭步橋板枋拖徙水次俱付輝夫守候蓼水駕辰交驗復又先令暫雇人夫分頭入山興工外卑職隨領各商楊景等先行回府一面買辦什物魚鹽聽候毋致防誤今將所議前項緣由同報到家長并分派木戶姓名

木板數目具呈伏乞照詳明示以憑遵奉施行

巡按批承委採木而得大木若干非有大力量者不能勞苦功高惟乃職其近之其所條開數事俱切時務中肯綮上下兩利之道但文書到遲本院即批行督木道查議速與施行未必無補於木道也視彼各委官自恃身處荒服消息難知多自壞心術動與夷商徇苟本院雖遠亦有耳目仍說與知悉勿終迷自貽後悔此繳

論木政劄子

為陳愚見以速

廟工事卑職自五月初十日准本府關奉分巡湖北
道僉事楊 案驗行令接替通判王 回任管理邊
糧就令親入卯洞督併商人楊景徙運原報大木及
躉勘各山採辦園丈以上堅實美材開報依奉於六
月十二日前至卯洞已經陸續徙運過原報大木若
干根及新報採買過頭貳等號大木又若干根已經
分商入山興工外切惟興建之役宗廟為重採辦之
餘徙運為難蓋廂架必假於人為而漂洞寔資乎雨
澤若束手以待天必愆期而誤事卑職本以庸才濫
蒙役使緣自接管以來舊木之告報既竭新山之躉

欅未聞日夜焦勞幾廢寢食蒙本道發縱之功幸免
鰥曠之罪若不早為立法明歲或恐誤事為此卑職
除將徙運之法及委任之宜或詢之家長訪諸土人
及叅以木商斷以已見中間事體未敢自謂曲中機
宜庶或可少補裨一二輒陳蠹測之見開具欵條十
事上厯鈞覽採擇伏乞照詳明示施行

一助夫役以便拖運照得節年奉採頭號大木止
據永順報還而本府木商並無應者蓋以頭號
大木非千人之力不足轉移而家長之所聚雇
不過三四百人而止况其暫時短覓又皆土人

臨期索價動難號召出自土官則片紙起倩千人立就不藉糧資期日可集此家長商人之所以垂涎厚利而卒歸之求順也今窮山深谷為力既難則商人所費已多前項夫役相應量助短運自丈三以上至丈五而止或一百名二百以三百名為率每名約價六分每處計工十日多寡量木之大小久暫隨地之遠近於其正價之外助以短徙之夫庶人皆樂從事亦易集一處夫價定雇覓以便事功切照前項夫役動支官銀則銷筭為難派之木戶則資力已竭且恭

建

廟村比諸他事尤為不同况普天之下莫非王土率
王之濱莫非王臣里甲之供應夫船之派辦出
諸沅陵縣者已為過甚其他州縣槩無所與似
非所以均勞逸平役使之道也前事相應量州
縣之大小隨里分之多寡均派夫價委官收給
支散造冊繳報其或不動州縣則於各該木商
所報未盡大戶隨資量派或十名七名五名庶
力分於衆舉事濟乎公家是又一便也其雇覓
夫役若家長力能自為任從領銀私雇如其不

然給發官價坐委施州委官起倩各司土人給以夫直尅期可集庶價不難於措辦人無妨於雇覓而事亦易成矣

一處糧餉以防缺乏夫採辦之法聚衆為先聚衆之道足食為本先年採辦動資求順之米今其各寨傷殘已無可望而大旺等司又皆蕞尔之地今年入山人衆米糧不無缺乏運之本府難河險遠急難應數况保靖宣慰彭蓋臣世受國恩罔思報效既無採辦之勞應為協濟之舉合支木價官銀肆百兩給發該司令其買米一千

石遣人運至卯洞聽本職驗無糠粃方與收受
仍委官催督就於木價銷筭庶事之出諸該司
者亦易為力而米之得於卯洞者大為有濟此
固勞而不怨惠而不費之道也

一置廂埧以速溪運照得各該家長做山木至小
溪則束手聽水間有徒埧亦至大溪而止一年
大水不過三次所以漂洞為難經年不出為是
故也今議前項大木俱令緣溪造廂拖運無令
候水一至大河築埧壅水以便徒運築埧之法
舊皆椿木為之被以枝葉卑薄陋水為力甚難

今令倣倣北江滾牛之法編成大筭填以土石
茆草量其闊狹多寡用之中留一踏如閘口之
狀相度高下遠近亦如置閘之法自大旺河起
至漫水而止仍令每纜每夫一名編筭二箇聽
候合用大約各山人夫不下二千餘名每人二
筭可得四千也但梭垂一洞內闊外狹山壁峻
削溪潭深渺人難措足水流湍激一木稍橫則
諸木輾結易於堆塚為力甚難若其徒卯洞則
又酌量時日如近時拖徙乾廩之法為之不專
取必於天時也

一慎委官以節冗任照得今年因各司讐殺每處
設委守備坐鎮其實虛勞員役無補實用蓋黃
家村有分木之擾尤為有用而大刺保靖則不
必矣明歲則黃家村亦皆可省蓋新山之木永
順不得而與也况簿夫灣泊報數反為停滯若
曰武職重臣坐鎮該司則正月五月之讐殺亦
何憚於各官哉唯息寧姑倒窖用荊州守備孫
賢卯洞漫水用酉永守備陶戩上下坐守以防
土人涉接臧劓之弊此固不可省也其餘各該
小委似亦可省唯用巡檢范岳陰陽官鄧惠二

人專一往來催督各山工程仍給以廩餼使無
係累庶人皆效用事可責成

一定期限以督程工各山家長地有遠近難易之
殊木有大小多寡之異既不委官坐督若不設
法稽考未免稽誤合無置立文簿二册上寫木
戶家長姓名備開地里遠近難易木植大小多
寡如某地至某溪若干里約計脩路若干工搭
廂若干工拖運若干工先行登記明白逐日填
寫如雨雪則書雨雪住工某溪至某洞若干里
合用徙填若干處填寫工程亦如前法循去環

來按月比較如有稽誤木戶家長一體治罪如
能上緊完工者一體重賞如此則官府易於查
考商人得以催督而勤惰之別勸懲之典兩得
之矣

一銷舊逋以贍新工夫商之逐利猶狸之嗜腥根
心生色不容偽為訪得前次採運木價一萬三
千有奇向因總督部院回任未經給領後各官
司憚於申請展轉遲滯各商有負少資本至傾
身家者復蒙總督部院按臨監採各商又以入
山期迫不暇訴鳴况其解運省城停止金沙灘

木植今歲又經驗運俱未給領且恭採

廟建雖經領銀八千有奇而前後運至辰河木植除
選退外亦皆倍溢原領官數官司以未經起運
尚未發冊前後重復逋負情實可矜此則商人
隱惻之情欲言而未敢者也近該工部王郎中
申呈總督部院發銀一萬兩聽本職捏價申縮
給領任其盤做新山商人聞之反皆疾首蹙額
不樂關領蓋其得前日之舊逋即皆已資如獲
更賜領今日之新價未免官物寔增重憂又以
前次採辦亦當預發後皆負欠籲訴無從此固

傷弓之鳥不樂高飛也。合無備查前次未領官銀應否給發明與銷筭。及今恭建之後領過官銀若干。運過木植若干。有木多於所領之價者。則給價以補商。有價多於所驗之木者。則逆木以完官。如此則官府不失信於商人。而商人樂獲利於官府。爭先踴躍督責不煩。唯恐其後矣。鼓舞作興亦因勢而導之之術也。

一惜遺材以收短料。切惟木至丈圍以上。經歷歲年長養甚艱。不幸短折。遂至擯棄。深為可惜。况恭建之材。未必儘其長丈而用之。為掇為擷。亦

必丈丈尺尺相度物宜而斷鋸之以為材也本
職在京口又曾見各處解到張家灣大木工部
遣官鋸成短料斲削荒材以省旱運之費則是
短料之木未必無補公家也近蒙總督部院嚴
示商人惧獲罪矣恐負資本前項短小丈圍以
上美材俱各遺棄不敢徙運夫短小之故其說
有三蓋木至丈圍以上則十無二三結實或者
去其空虛所存止此一也砍伐之時稍不經心
或至跌損二也漂洞之時岩石墊折三也若是
官司槩論圍圓不論長丈領價商人前弊容或

有之今其木政條例較短量長開載甚明則商人者亦何樂於此哉且二號之木長至五丈或四丈五尺可領價銀五百有奇今其長二丈者以七八十兩或百兩給之自二丈以上則又遍加如前是官府以五百之價可得十丈二號之材而商人者以二丈之木又得官府七八十之價上下兩利大為有益况各山採取已竭前項短料相應愛惜收用以克欠數唯復


奏明本部另聽查筭庶山林無遺材官府無浪費商人無遺利一舉而三得矣

一均懸價以伸下情照得節年以來做木定山倒
米盡由永順而出銀砍山必資辰商前項木植
俱至黃家村分撥故辰商之木永順不得而與
者容或有之未有永順之木而或不與辰人者
也今酉陽逞忿永順剗其大木則是辰商者既
遭池魚之殃且為鷓蚌之持如其懸價俱歸永
順辰人不得而與焉則是永順者雖有城門之
火得冒漁人之利矣况其未剗之木既已均分
則其既剗之價焉得獨歸之永哉下情忿鬱欲
言不能前項懸價相應量為均給或恐冒濫致

起爭端則以一半留置在官聽候顧夫解運等費不必取泝州縣及所報大戶庶事體既公彼此亦服而官府又得其濟也

一備醫藥以防疾疫昭得楚俗尚鬼夷方為甚凡有疾病不事醫藥所以邇洞等處絕無藥餌可恃今歲夏秋以來人多瘡痍束手無策明歲各山與工不無聚集人衆相應預備以防不測除本職選帶醫生二名聽用外一應藥餌等料合無於本府無碍贖罰動支買辦聽候各山取用庶人無所恐而惠亦遠施矣

巡按批據同知徐 所議木政足見本官備經險阻
飽識物宜官商兩利之道憂國奉公之心溢於
言外督木道一一依擬施行仍具由通申繳




卯洞集卷二終













浙江圖書館善本

甲 登記號：020991

一九 年 月 日



0 1 2 3 4 5 6 7 8 9 10 11 12 13 14 15 16 17 18 19 20



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007



